

U skladu sa članom 2.5 stav (1) i (5) Izbornog zakona Bosne i Hercegovine ("Službeni glasnik BiH", broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i članom 3. Odluke Predstavničkog doma Parlamentarne skupštine BiH o raspisivanju javnog konkursa za izbor i imenovanje članova Centralne izborne komisije Bosne i Hercegovine broj: 01-34-1-270-1/26 od 22.01.2026.godine, Centralna izborna komisija Bosne i Hercegovine, raspisuje

JAVNI KONKURS ZA IZBOR I IMENOVANJE

jednog (1) člana Centralne izborne komisije Bosne i Hercegovine iz reda ostalih.

Centralna izborna komisija Bosne i Hercegovine raspisuje javni konkurs za imenovanje člana Centralne izborne komisije Bosne i Hercegovine iz reda ostalih.

Trajanje mandata: Mandat imenovanog člana traje sedam godina.

Kratak opis poslova: Provedba Izbornog zakona BiH i Zakona o finansiranju političkih stranaka.

Kandidat za člana Centralne izborne komisije Bosne i Hercegovine mora ispunjavati sljedeće opće i posebne uslove:

- 1) da je državljanin Bosne i Hercegovine,
- 2) da ima prijavljeno prebivalište u Bosni i Hercegovini,
- 3) da ima univerzitetsku diplomu,
- 4) da je zdravstveno sposoban za obavljanje poslova predviđenih položajem,
- 5) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u roku od tri godine prije dana objavljivanja upražnjenog mjesta,
- 6) da protiv njega nije potvrđena optužnica,
- 7) da nije osuđivan za krivična djela,
- 8) da nije obuhvaćen odredbom člana 1.6, člana 1.7 i člana 1.7a Izbornog zakona BiH
- 9) da je stručnjak s najmanje pet godina relevantnog iskustva u oblastima direktno vezanim za provedbu izbora,
- 10) da ne obavlja niti je u posljednjih deset godina prije kandidiranja obavljao dužnost u organima političke stranke, udruženja ili fondacije organizaciono ili finansijski povezanim s političkim strankama, te da nije bio uključen u bilo kakve aktivnosti političke stranke,
- 11) da nije nosilac izabranog mandata ili član izvršnog organa vlasti, osim u slučajevima predviđenim članom 2.12 stav (4) Izbornog zakona BiH
- 12) da nije kandidat niti da je bio kandidat za izbore za bilo koji nivo vlasti na posljednjim općim i posljednjim lokalnim izborima i
- 13) da mu nije izrečena kazna za radnju koja predstavlja težu povredu izbornih zakona ili propisa prema članu 2.3 stav (2) Izbornog zakona BiH, za koju je lično odgovoran, u posljednje četiri godine, računajući od dana pravosnažnosti odluke

Uz potpisanu prijavu sa biografijom na javni konkurs, kandidati su dužni priložiti dokaze (original ili ovjerenu kopiju) o ispunjavanju općih i posebnih uslova i to:

1. Uvjerenje o državljanstvu (ne starije od tri mjeseca),
2. Potvrdu o prebivalištu u Bosni i Hercegovini (ne stariju od tri mjeseca),
3. Univerzitetsku diplomu,
4. Ljekarsko uvjerenje za obavljanje tražene funkcije (ne starije od tri mjeseca),
5. Izjavu da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u roku od tri godine prije objavljivanja upražnjenog mjesta (ovjerenu kod nadležnog organa),
6. Uvjerenje da protiv kandidata nije potvrđena optužnica (ne starije od tri mjeseca),
7. Uvjerenje da nije osuđivan za krivična djela (ne starije od tri mjeseca),
8. Izjavu da nije obuhvaćen odredbom člana 1.6, člana 1.7 i člana 1.7a Izbornog zakona BiH,

9. Potvrdu ili uvjerenje kao dokaz da je stručnjak s najmanje pet godina relevantnog iskustva u oblastima direktno vezanim za provođenje izbora,
10. Izjavu da ne obavlja niti je u posljednjih deset godina prije kandidiranja obavljao dužnost u organima političke stranke, udruženja ili fondacije organizaciono ili finansijski povezanim s političkim strankama, te da nije bio uključen u bilo kakve aktivnosti političke stranke (ovjerenu kod nadležnog organa),
11. Izjavu da nije nosilac izabranog mandata ili član izvršnog organa vlasti, osim u slučajevima predviđenim članom 2.12 stav (4) Izbornog zakona BiH (ovjerenu kod nadležnog organa)
12. Izjavu da nije kandidat niti da je bio kandidat za izbore za bilo koji nivo vlasti na posljednjim opštim i posljednjim lokalnim izborima (ovjerenu kod nadležnog organa),
13. Izjavu da mu nije izrečena kazna za radnju koja predstavlja težu povredu izbornih zakona ili propisa prema članu 2.3 stav (2) Izbornog zakona BiH, za koju je lično odgovoran, u posljednje četiri godine, računajući od dana pravosnažnosti odluke (ovjerenu kod nadležnog organa).

Komisija za izbor i imenovanje Predstavničkog doma Parlamentarne skupštine Bosne i Hercegovine, najkasnije u roku od 30 dana od dana isteka roka za prijave, sa kandidatima koji ispunjavaju opće i posebne uslove javnog konkursa, obaviti će intervju i utvrditi rang listu kandidata, koju će dostaviti Predstavničkom domu Parlamentarne skupštine Bosne i Hercegovine na imenovanje.

Javni konkurs se objavljuje u Službenom glasniku BiH i u dnevnim novinama: „Oslobođenje“ Sarajevo, „Glas Srpske“ Banja Luka, „Večernji list“ Mostar, na bosanskom, hrvatskom i srpskom jeziku i na internet-stranici Centralne izborne komisije BiH, www.izbori.ba.

Krajnji rok za podnošenje prijave na javni konkurs sa dokazima o ispunjavanju uslova je 15 dana od dana objave javnog konkursa u dnevnom listu iz prethodnog stava, odnosno 15 dana od dana objave u „Službenom glasniku BiH“ ako taj rok ističe kasnije.

Prijave se podnose u zatvorenoj koverti, preporučenom poštom ili lično na pisarnici Centralne izborne komisije BiH, ul. Danijela Ozme br. 7, Sarajevo, s naznakom „Za javni konkurs za izbor člana CIK BiH“

Neblagovremene i nepotpune prijave na javni konkurs neće biti razmatrane.

Broj: 05-1-34-4-255-13/25
Sarajevo, 05.02.2026. godine

